

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**S PRVE KONSTITUIRAJUĆE SJEDNICE GRADSKOG VIJEĆA TUZLA ODRŽANE
14. JANUARA 2021. GODINE U SALI
NARODNOG POZORIŠTA TUZLA S POČETKOM U 9,30 SATI**

- SJEDNICI PRISUSTVUJE 31 VIJEĆNIK

U Tuzli, januar 2021. godine

**NATAŠA PERIĆ – predsjedavajući Gradskog vijeća Tuzla
mandat 2016. - 2020. godine**

(Intoniranje himne Bosne i Hercegovine.) Poštovani vijećnici Gradskog vijeća Tuzla, poštovani Gradonačelnice.

Otvaram prvu-konstituirajuću sjednicu Gradskog vijeća Tuzla, nakon lokalnih izbora u Bosni i Hercegovini održanih 15. 11. 2020-te.

Konstatujem, da prema evidenciji Stručne službe Gradskog vijeća sjednici prisustvuje 31 od ukupnog broja vijećnika, što je dovoljno za punovažan rad i odlučivanje.

Obavještavam prisutne, da je Centralna izborna komisija Bosne i Hercegovine na 106. sjednici održanoj dana 15. 12. 2020. godine, donijela Odluku o potvrđivanju i objavljivanju rezultata lokalnih izbora u Bosni i Hercegovini (odluka broj: 05-1-07-1-2100-1/20 od 15. 12. 2020. godine). Odluka je stupila na snagu danom donošenja, a objavljena je u „Službenom glasniku Bosne i Hercegovine“, broj: 81/20.

Prema evidenciji Stručne službe Gradskog vijeća Tuzla, svi novoizabrani vijećnici su primili uvjerenje o dodjeli mandata i potpisali izjavu o prihvatanju mandata, te su navedene izjave zajedno sa potvrđama o prijemu dostavljene Centralnoj izornoj komisiji Bosne i Hercegovine, čime su se stekli uslovi za zakazivanje i održavanje današnje sjednice.

Obavještavam vijećnike da sam ovu konstituirajuću sjednicu sazvala na osnovu člana 8. Poslovnika Gradskog vijeća Tuzla (“Službeni glasnik Grada Tuzla”, broj 9/17., 2/18., 8/19., 3/20. i 7/20.), kojim je propisano sljedeće:

„Prva (konstituirajuća) sjednica novoizabranog Gradskog vijeća će biti održana najkasnije 30 dana od zvaničnog objavljivanja izbornih rezultata od strane organa nadležnog za provođenje izbora.“

„Sazivanje prve (konstituirajuće) sjednice vrši predsjedavajući Vijeća iz prethodnog saziva i predsjedava sjednicom do izbora predsjedavajućeg u novom sazivu.“

Za današnju sjednicu predlažem slijedeći:

D N E V N I R E D

1. POLAGANJE SVEČANE IZJAVE VIJEĆNIKA IZABRANIH NA LOKALNIM IZBORIMA 15. 11. 2020. GODINE

2. IZBOR PREDSEDVAJUĆEG GRADSKOG VIJEĆA TUZLA

3. IZBOR ZAMJENIKA PREDSEDVAJUĆEG GRADSKOG VIJEĆA TUZLA

4. IZBOR PREDSEDNIKA I ČLANOVA KOMISIJA GRADSKOG VIJEĆA TUZLA

Prije nego krenemo na glasanje. Otvaram raspravu klubova vijećnika.

Da li se neko javlja za riječ? Niko se ne javlja.

Zaključujem raspravu klubova vijećnika.

Otvaram raspravu vijećnika. Niko se ne javlja za riječ.

Zatvaram raspravu vijećnika.

Stavljam na izjašnjavanje predloženi dnevni red. Dakle, ko je za predloženi dnevni red, molim da digne ruku? (31) Ko je protiv? (Nema.) Ima li suzdržanih? (Nema.)

Konstatujem da je sa 31 glas za, nije bilo protiv i nije bilo suzdržanih usvojen slijedeći:

D N E V N I R E D

1. POLAGANJE SVEČANE IZJAVE VIJEĆNIKA IZABRANIH NA LOKALNIM IZBORIMA 15. 11. 2020. GODINE

2. IZBOR PREDSEDAVAJUĆEG GRADSKOG VIJEĆA TUZLA

3. IZBOR ZAMJENIKA PREDSEDAVAJUĆEG GRADSKOG VIJEĆA TUZLA

4. IZBOR PREDSEDNIKA I ČLANOVA KOMISIJA GRADSKOG VIJEĆA TUZLA

Prelazimo na realizaciju dnevnog reda dakle.

Prelazimo na prvu tačku Dnevnog reda:

POLAGANJE SVEČANE IZJAVE VIJEĆNIKA IZABRANIH NA LOKALNIM IZBORIMA 15. 11. 2020. GODINE

Odredbom člana. Izvolite. Mirel Mišković. (vijećnik Mirel Mišković govori sa mjesta op.a.) Moraš izać Mirele.

MIREL MIŠKOVIĆ – vijećnik Socijaldemokrata Bosne i Hercegovine

Zahvaljujem. Moja poslovnička intervencija se odnosi što se tiče teksta svečane izjave gdje stoji i Statuta. Mi nemamo donešen Statut, mi imamo statutarnu Odluku o organizaciji Grada Tuzla u skladu sa Zakonom o Gradu Tuzla „Službeni glasnik“ 1/14 od 30. oktobra 2014-te. (U redu. Zahvaljujem.) Pa smo mišljenja da ne može stajat Statuta grada u izjavi.

NATAŠA PERIĆ

Evo dobit ćete objašnjenje. Zahvaljujem Mirele.

SLADANA KRAJINA – sekretar Gradskog vijeća Tuzla

Dobar dan, ja vas sve pozdravljam. Evo ja ću samo dati ovdje pojašnjenje. Znači, tekst svečane izjave koji vam je podijeljen neposredno na ulasku u salu pred početak ove sjednice je tekst iz Statutarne odluke o organizaciji Grada Tuzla koji glasi: Na konstituirajućoj sjednici vijećnici će položiti svečanu izjavu sljedeće sadržine.

“Svečano izjavljujem, da ću povjerenu dužnost vijećnika Gradskog vijeća Tuzla obavljati savjesno, pridržavati se Ustava Bosne i Hercegovine, Ustava Federacije Bosne i Hercegovine, Ustava Tuzlanskog kantona, zakona i Statuta i zalagati se za ljudska prava i slobode i da ću u svim prilikama štiti interese države Bosne i Hercegovine, Federacije Bosne i Hercegovine, Tuzlanskog kantona i Grada Tuzla i ravnopravnost naroda i građana.”

Znači to je tekst iz Statutarne odluke o organizaciji grada.

NATAŠA PERIĆ

U redu. Zahvaljujem. Nastavljamo sa realizacijom dnevnog reda.

Prelazimo na prvu tačku Dnevnog reda:

POLAGANJE SVEČANE IZJAVE VIJEĆNIKA IZABRANIH NA LOKALNIM IZBORIMA 15. 11. 2020. GODINE

Odredbom člana 9. Poslovnika Gradskog vijeća Tuzla propisano je da predsjedavajući Gradskog vijeća iz ranijeg saziva, nakon što otvori sjednicu “poziva predsjednika ili predstavnika Gradske izborne komisije da Gradskom vijeću predoči Izvještaj Izborne komisije Bosne i Hercegovine o vijećnicima koji su dobili mandat nakon provedenih lokalnih izbora.

Pozivam sada Slađanu Krajinu da ispred Gradske izborne komisije u skladu sa članom 9. Poslovnika Gradskog vijeća, upozna prisutne sa rezultatima Lokalnih izbora održanih 15. 11. 2020. godine za izbornu jedinicu 050 A – Gradsko vijeće Tuzla.

Izvolite Slađana.

SLAĐANA KRAJINA – sekretar Gradskog vijeća Tuzla

Hvala. U ime Gradske izborne komisije Tuzla, a u skladu sa članom 9. Poslovnika Gradskog vijeća Tuzla podnijet ću Izvještaj o izbornim rezultatima Lokalnih izbora 2020. godine koji su održani 15. novembra 2020. godine za izbornu jedinicu Tuzla, nivo Gradsko vijeće.

Podsjećam da je Centralna izborna komisija Bosne i Hercegovine na 106. sjednici održanoj 15. decembra 2020. godine donijela Odluku o potvrđivanju i objavljivanju rezultata Lokalnih izbora u Bosni i Hercegovini 2020. godine koja je objavljena u „Službenom glasniku Bosne i Hercegovine“, broj: 81/2020 od 15. 12. 2020. godine.

Prema navedenoj Odluci Centralne izborne komisije Bosne i Hercegovine,

SDP – Socijaldemokratska partija Bosne i Hercegovine je osvojila 8 mandata u Gradskom vijeću Tuzla, a mandate su dobili sljedeći vijećnici:

1. NATAŠA PERIĆ
2. ALEN KAPIDŽIĆ
3. ELVIR BIJEDIĆ
4. ALEN OVČINA
5. ANA PEJIĆ
6. MERIMA SOFTIĆ SPREČIĆ
7. ANEL IBELJIĆ i
8. MIODRAG TANASILOVIĆ

SDA – Stranka demokratske akcije je osvojila 5 mandata u Gradskom vijeću Tuzla, a mandate su dobili sljedeći vijećnici:

9. ZIJAH RIFATBEGOVIĆ
10. ŠEFIK HUSIĆ
11. MEDINA LOLIĆ
12. NUSRET MUMINOVIĆ
13. ĆERIM RASTODER

Socijaldemokrate Bosne i Hercegovine – SD BiH je osvojila 4 mandata u Gradskom vijeću Tuzla, a mandate su dobili sljedeći vijećnici:

14. ALEKSANDAR VUJADINOVIĆ
15. MIREL MIŠKOVIĆ
16. DAMIR MURATOVIĆ
17. HASIB HIRKIĆ

SBB je osvojio 3 mandata u Gradskom vijeću Tuzla, a mandate su dobili sljedeći vijećnici:

18. SABIHA MUJKANOVIĆ MUJAČIĆ
19. LEJLA OSMANČEVIĆ i
20. OMER DELALIĆ

Tuzlanska alternativa je osvojila 2 mandata u Gradskom vijeću Tuzla, a mandate su dobili sljedeći vijećnici:

21. MENSUR ALIĆ i
22. NEDŽAD MALIKIĆ

Platforma za progres je osvojila 2 mandata u Gradskom vijeću Tuzla, a mandate su dobili sljedeći vijećnici:

23. SELMA ĆATIBUŠIĆ
24. ESANA KAVAZBAŠIĆ HUSKANOVIĆ

Demokratska fronta je osvojila 2 mandata u Gradskom vijeću Tuzla, a mandate su dobili sljedeći vijećnici:

25. EMIR ĆEHAJIĆ
26. ZLATAN FATUŠIĆ

Naša stranka osvojila je 1 mandat u Gradskom vijeću Tuzla, mandat je dobio vijećnik:

27. OMER BERBIĆ

HDZ BiH – Hrvatska demokratska zajednica Bosne i Hercegovine je osvojila 1 mandat u Gradskom vijeću Tuzla, a mandat je dobio vijećnik:

28. NIKICA VIDOVIĆ

Stranka za Bosnu i Hercegovinu je osvojila 1 mandat u Gradskom vijeću Tuzla, a mandat je dobio vijećnik:

29. ADMIR ČAVALIĆ

Pokret demokratske akcije – PDA je osvojio 1 mandat u Gradskom vijeću Tuzla, a mandat je dobio vijećnik:

30. SENAD MEHMEDINović

Sa posebne liste kandidata pripadnika nacionalnih manjina mandat je dobio vijećnik:

31. NEDŽAD JUSIĆ

U ime Gradske izborne komisije Tuzla čestitam svim novoizabranim vijećnicima koji su osvojili mandat, nakon provedenih Lokalnih izbora 2020. godine i želim uspješan rad u Gradskom vijeću Tuzla u ovom mandatu.

NATAŠA PERIĆ

Zahvaljujem Slađani Krajina.

Poštovani vijećnici ovim su se stekli uslovi, da se može pristupiti polaganju Svečane izjave.

Podsjećam vijećnike da su, uz poziv za današnju konstituirajuću sjednicu Gradskog vijeća Tuzla, od strane Stručne službe Gradskog vijeća dobili i tekst Svečane izjave.

Sada pozivam vijećnike, da ustanu, kako bi položili Svečanu izjavu.

Pozivam i ostale prisutne da ustanu.

Molim vas da se okrenete prema zastavi i da ponavljate za mnom tekst Svečane izjave.

SVEČANA IZJAVA:

“Svečano izjavljujem, da ću povjerenu dužnost vijećnika Gradskog vijeća Tuzla obavljati savjesno, pridržavati se Ustava Bosne i Hercegovine, Ustava Federacije Bosne i Hercegovine, Ustava Tuzlanskog kantona, zakona i Statuta i zalagati se za ljudska prava i slobode i da ću u svim prilikama štiti interese države Bosne i Hercegovine, Federacije Bosne i Hercegovine, Tuzlanskog kantona i Grada Tuzla i ravnopravnost naroda i građana.”

Zahvaljujem. Svim vijećnicima Gradskog vijeća Tuzla upućujem srdačne čestitke i želim im puno uspjeha u budućem radu. (Aplauz.)

Molim vas da potpišete tekst Svečane izjave i da predate uposlenicima Stručne službe nakon sjednice.

Prije prelaska na razmatranje narednih tački dnevnog reda dužna sam dati nekoliko obavještenja.

Podsjećam da je članom 15. tačka 8. stav (1) Izbornog zakona BiH propisano da su kandidati izabrani na svim nivoima vlasti, dužni u roku od 30 dana od dana objavljivanja potvrđenih rezultata u „Službenom glasniku Bosne i Hercegovine“ predati izjavu o imovinskom stanju. Centralna izborna komisija Bosne i Hercegovine je, prije dva dana, 12. 01. 2021. godine, dostavila Saopštenje u vezi sa aktiviranjem aplikacije za elektronski unos podataka u obrazac izjave o imovinskom stanju. Stručna služba Gradskog vijeća je, odmah po dobijanju Saopštenja, isto prosljedila svim vijećnicima.

Potrebno je da vijećnici koji još nisu dostavili Centralnoj izornoj komisiji BiH izjavu o imovinskom stanju, istu odmah dostave.

Političke stranke koje participiraju u Gradskom vijeću Tuzla su, u skladu sa članom 22. Poslovnika Gradskog vijeća Tuzla, već konstituisale klubove vijećnika i imenovale

predsjednike i zamjenike klubova vijećnika te o tome obavijestile Stručnu službu Gradskog vijeća.

1. Prema obavijesti Kluba vijećnika Socijaldemokratske partije Bosne i Hercegovine od 12. 01. 2021. godine, predsjednik Kluba vijećnika Socijaldemokratske partije je Alen Kapidžić; a zamjenik predsjednika je Elvir Bijedić;

2. Prema obavijesti Kluba vijećnika Stranke demokratske akcije od 12. 01. 2021. godine, predsjednik Kluba vijećnika Stranke demokratske akcije Bosne i Hercegovine je Zijah Rifatbegović;

3. Prema obavijesti Kluba vijećnika Socijaldemokrata Bosne i Hercegovine SD BiH od 12. 01. 2021. godine, predsjednik Kluba vijećnika Socijaldemokrata Bosne i Hercegovine SD BiH je Mirel Mišković;

4. Prema obavijesti Kluba vijećnika Saveza za bolju budućnost Bosne i Hercegovine od 11. 01. 2021. godine, predsjednik Kluba vijećnika Saveza za bolju budućnost BiH je Sabiha Mujkanović Mujačić;

5. Prema obavijesti Kluba vijećnika Tuzlanske alternative od 12. 01. 2021. godine, predsjednik Kluba vijećnika Tuzlanske alternative je Mensur Alić;

6. Prema obavijesti Kluba vijećnika Platforme za progres od 21. 12. 2020. godine, predsjednik Kluba vijećnika Platforme za progres je Esana Kavazbašić Huskanović;

7. Prema obavijesti Kluba vijećnika Demokratske fronte od 21. 12. 2020. godine, predsjednik Kluba vijećnika Demokratske fronte je Emir Čehajić a zamjenik predsjednika je Zlatan Fatušić.

U skladu sa članom 22. Poslovnika Gradskog vijeća Tuzla, kojim je propisano da „vijećnici dvije ili više političkih stranaka, ako imaju najmanje po jednog vijećnika u Gradskom vijeću, mogu formirati zajednički klub“,

HDZ Bosne i Hercegovine - Hrvatska demokratska zajednica BiH i Pokret demokratske akcije - PDA su 06. 01. 2021. godine dostavile Obavijest da su formirale Zajednički klub vijećnika te da je predsjednik Zajedničkog kluba vijećnika HDZ BiH - Hrvatske demokratske zajednice BiH i Pokreta demokratske akcije - PDA Nikica Vidović a zamjenik predsjednika Senad Mehmedinović.

Stranka za Bosnu i Hercegovinu i Naša stranka su 07. 01. 2021. godine dostavili Obavijest da su formirale Zajednički klub vijećnika te da je predsjednik Zajedničkog kluba vijećnika Stranke za Bosnu i Hercegovinu i Naše stranke Admir Čavalić a zamjenik predsjednika Omer Berbić.

Prelazimo na drugu tačku Dnevnog reda:

IZBOR PREDSEDVAJUĆEG GRADSKOG VIJEĆA TUZLA

Svoje prijedloge kandidata za izbor predsjedavajućeg Gradskog vijeća Tuzla dostavili su:

1. Klubovi vijećnika parlamentarne većine koju čine Socijaldemokratska partija Bosne i Hercegovine, Savez za bolju budućnost, Tuzlanska alternativa, Demokratska fronta i Nedžad Jusić, nezavisni vijećnik iz reda nacionalnih manjina, 12. 01. 2021. godine dostavili su prijedlog da se za predsjedavajućeg Gradskog vijeća Tuzla izabere Nataša Perić.

2. Klub vijećnika Socijaldemokrata Bosne i Hercegovine SD BiH je 13. 01. 2021. godine dostavio prijedlog da se za predsjedavajućeg Gradskog vijeća Tuzla izabere Aleksandar Vujadinović.

Sada pozivam predstavnika parlamentarne većine da, ukoliko želi, obrazloži prijedlog. Izvoli Alene. Alen Kapidžić.

ALEN KAPIDŽIĆ – vijećnik Socijaldemokratske partije

Hvala predsjedavajuća. Pozdravljam sve prisutne i evo u svoje ime da čestitam kolegama vijećnicima i vijećnicama na osvojenom mandatu i želim vam uspješan rad u narednom periodu.

S obzirom da je prijedlog kandidata za predsjedavajuću vijeća, Gradskog vijeća Tuzle ispred klubova vijećnika i vijećnica parlamentarne većine Nataša Perić moj zadatak je da pročitam najvažnije detalje iz biografije Nataše Perić.

Nataša Perić rođena je u Tuzli 1978. godine. Diplomirani je profesor istorije i geografije. Zaposlena je u Muzeju istočne Bosne Tuzla u stručnom zvanju viši kustos. Autor je velikog broja izložbi na temu iz istorije Tuzle i Bosne i Hercegovine a ujedno je i stručni saradnik na arheološkim iskopavanjima.

Učestvovala je u projektima koji se odnose na inkluziju osoba sa invaliditetom u muzejima i projektima promocije i zaštite kulturnog nasljeđa.

U mandatu 2016. - 2020. bila je vijećnik u Gradskom vijeću Tuzla, a od novembra 2019. godine obnašala je funkciju predsjedavajućeg Gradskog vijeća.

Podnosilac je inicijativa u Gradskom vijeću koje se odnose na promociju i zaštitu kulturno historijskog nasljeđa Tuzle, te inicijativa koje su proistekle iz saradnje sa građanima Tuzle. Aktivno govori engleski jezik. Hvala.

NATAŠA PERIĆ

U redu. Zahvaljujem. Sada pozivam ukoliko ima potrebu predsjednik Kluba vijećnika Socijaldemokrata da obrazloži prijedlog. Mirele izvoli.

MIREL MIŠKOVIĆ

Evo sve vas pozdravljam. Prijedlog Kluba SD-a za predsjedavajućeg Gradskog vijeća je docent doktor medicinskih nauka Aleksandar Vujadinović. Evo ja ću iznijeti njegovu kratku biografiju.

Docent doktor medicinskih nauka Aleksandar Vujadinović vijećnik u Gradskom vijeću Tuzla ispred SD BiH Tuzla rođen je 1964. godine u Tuzli gdje je završio gimnaziju i medicinski fakultet.

Edukaciju i stručno usavršavanje obavljao je u eminentnim zdravstvenim ustanovama, a posebno se izdvajaju boravci u Sjedinjenim Američkim Državama. U mnogim zapadno - evropskim zemljama. U Francuskoj i Švicarskoj je obavio dvije subspecializacije iz spinalne hirurgije. Član je udruženja spinalnih hirurga Evrope.

Učestvovao je na četiri svjetska kongresa iz oblasti spinalne hirurgije kao i na drugim mnogobrojnim stručnim skupovima, seminarima u regiji i svijetu. Kao autor i koautor objavio je više naučnih radova iz oblasti ortopedije. U svojstvu docenta angažovan je u nastavi na Medicinskom fakultetu u Tuzli.

U prethodnom mandatu je jedno vrijeme obavljao funkciju predsjedavajućeg Gradskog vijeća Tuzla.

Zaposlen je u Univerzitetском kliničkom centru Tuzla i obavljao je funkciju VD načelnika Klinike za ortopediju i traumatologiju. Aktivno govori engleski i francuski jezik. Zahvaljujem.

NATAŠA PERIĆ

U redu. Zahvaljujem.

Otvaram raspravu klubova vijećnika. Zijah Rifatbegović, Stranka demokratske akcije. Izvolite.

Samo da napomenem sve vijećnike kada je u pitanju diskusija ona maksimalno traje 10 minuta. Predsjednici klubova.

ZIJAH RIFATBEGOVIĆ – vijećnik Stranke demokratske akcije

Poštovani predsjedavajući, uvažene dame i gospodo gradski vijećnici od srca vam čestitam i želim vam dobro zdravlje posebno u vremenu pandemije i želim da naš rad bude konstruktivan i da u budućnosti pokažemo da možemo odgovoriti zadatku koji je pred nama. Javio sam se za komentar vezano za prvu tačku dnevnog reda.

Uvažavajući lično oba predložena kandidata od strane većine i od strane SD-a u materijalima koje sam imao prilike da pogledam nisam primjetio da postoji bar Nacrt programa rada Gradskog vijeća u narednoj godini, niti vidim sa posebnim osvrtom predsjednika Gradskog vijeća u funkcionisanju i u planu rada Gradskog vijeća u narednoj godini dana.

Mi vidimo da je pred nama teška godina. Teška godina po svim osnovama. Plan rada Gradskog vijeća za godinu dana bar je trebao biti dostavljen u ovim materijalima kako bismo mi to mogli pogledati i da vidimo bar nacrt tog, kako i na koji način će posebno, posebno naglašavam uloga predsjedavajuće Gradskog vijeća biti u tome.

Obzirom da niti jedan politički subjekt koji je predložio kandidata za predsjedavajućeg sa strankom koja je druga po jačini na Lokalnim izborima i čiji gradski vijećnici koji su izabrani pojedinačno nekoliko njih ima čak više glasova nego što imaju politički projekti koji su sastavni dio matematičke većine. Stranka demokratske akcije ostatak će suzdržana kod prijedloga i većine i kod prijedloga SD-a. Hvala vam lijepo.

NATAŠA PERIĆ

U redu. Zahvaljujem. Slađana Krajina, pa ćete dobiti riječ.

SLAĐANA KRAJINA – sekretar Gradskog vijeća Tuzla

Ja ću samo kratko da pojasnim predsjedniku Kluba Stranke demokratske akcije. Znači, za danas je zakazana konstituirajuća sjednica Gradskog vijeća na kojem se po članu 12. Poslovnika Gradskog vijeća Tuzla bira predsjedavajući Gradskog vijeća, Komisija za statutarna pitanja i propise, Komisija za izbor i imenovanja i Mandatno-imunitetska komisija i evo Komisija za ekonomske odnose zbog Nacrta budžeta koji se priprema za prvu narednu sjednicu vijeća. To je što se tiče samog dnevnog reda konstituirajuće sjednice. Znači nikakva druga tačka, nikakvi drugi materijali.

A što se tiče samog programa rada. Vidjet ćete u ovim materijalima koje smo vam mi dostavili na CD-u i u propisima koji ćete koristiti u ovom četverogodišnjem mandatu da je predlagač programa rada. Da su predlagač Kolegij Gradskog vijeća koji čine predsjednici klubova i nezavisni vijećnik iz reda nacionalnih manjina, predsjedavajući, zamjenik predsjedavajućeg i sekretar Gradskog vijeća.

Obzirom da su se neposredno pred ovu konstituirajuću sjednicu formirali klubovi vijećnika mi još nismo imali ni jedan sastanak kolegija Gradskog vijeća. Za prvu narednu

redovnu sjednicu naravno da će biti pripremljen program rada na prijedlog kolegija Gradskog vijeća. Obradivač je Stručna služba Gradskog vijeća. Prema tome nacrt programa nikako nije mogao ići na ovu sjednicu.

Vi ćete svi imat prilike i diskutovati i predlagati kao i službe i udruženja i svi drugi koji budu zainteresovani da uzmu učešće. Nacrt će prvo biti na na redovnoj sjednici Gradskog vijeća. Kad Gradsko vijeće usvoji Nacrt programa rada Gradskog vijeća za 2021. godinu on će ići u javnu raspravu. Tokom javne rasprave ćete isto tako imati pravo predlaganja, davanja mišljenja, sugestija, primjedbi i nakon provedene javne rasprave uz izvještaj prijedlog Programa rada će od strane kolegija Gradskog vijeća biti dostavljena na samu sjednicu Gradskog vijeća na kojoj će se opet moći predlagati.

Znači, to je neka redovna procedura. To to je tako vidjet ćete. Kažem možda niste imali vremena da pogledate malo ove propise. Mi smo vam na CD-u dostavili i Poslovnik i Statut i druge odluke i i akte koje evo bilo bi dobro da malo pogledate. Ali ništa tu smo da razjasnimo.

NATAŠA PERIĆ

Je li replika? Izvolite.

ZIJAH RIFATBEGOVIĆ

Uvažena gospođo, uvaženi vijećnici, mi biramo na-šeg predsjedavajućeg. Vi niste predsjedavajući samo većine. Vi ste predsjedavajući svih nas. Prema tome, kad bi izabrali i da bi izabrali mi moramo znat šta biramo i šta glasamo. Na osnovu kojeg programa mi glasamo?

Mi danas treba da izaberemo pred-sje-davajućeg. Taj predsjedavajući kad bude izabran, tek naknadno mi treba da diskutujemo o programu koji ćemo predočit.

NATAŠA PERIĆ

Gospodine do sad je praksa bila ovako i to nije ništa izmišljeno.

ZIJAH RIFATBEGOVIĆ

Svaka praksa. Samo momenat molim vas. Svaka praksa je podložna promjeni. Prema tome vi ste nama dostavili, čak većina nije ni dostavila uopšte vašu biografiju. Ja uopšte nisam imo prilike da pročitam bilo što. (Čuli ste sada. Imate vremena da odlučite. Dobro ste se odlučili.) Mislim da. Mislim da mi biramo predsjedavajućeg svih nas a ne samo većine.

NATAŠA PERIĆ

Vidite nešto. Vidite nešto. Po Poslovniku ne piše da se mora dostaviti biografija.

ZIJAH RIFATBEGOVIĆ

Po Poslovniku očigledno ne piše da treba se dostaviti i plan i program.

NATAŠA PERIĆ

Pa eto možemo raditi u narednom periodu.

ZIJAH RIFATBEGOVIĆ

Ali molim vas gradski vijećnici, pa i vi koji ste dio većine. Možda ja dolazim iz takvog sistema obrazovanja koji je baziran na objektiviziranom kvalitetu.

Molim vas razmislite. Da li mi treba da glasamo za predsjedavajućeg Gradskog vijeća, a da ni-smo pogledali ni plan ni program? Hvala ljepo.

NATAŠA PERIĆ

Nije nije predsjedavajući predlagatelj plana i programa već kolegij Gradskog vijeća a predsjedavajući je član kolegija, tako da će svi predsjednici klubova ovo što vam je rekla gospođa Slađana Krajina. Zahvaljujem. Admir Čavalić se sljedeći javio za riječ ispred zajedničkog Kluba vijećnika Stranke za BiH i Naše stranke. Izvolite.

ADMIR ČAVALIĆ – predsjednik Zajedničkog kluba vijećnika Stranke za Bosnu i Hercegovinu i Naše stranke - vijećnik Stranke za BiH

Eh ja ću kratko. Dozvolite da vas sve srdačno pozdravim. Čestitam Gradonačelniku, izabranim vijećnicima. Nadam se da ćemo biti efektivni u ove naredne četiri godine.

Na fonu ovoga, dakle okej ako nismo imali program, zamolio bi kandidate evo sad i gospođu Natašu i gospodina Aleksandra da nam se makar u minut, dva obrate i kažu kažu šta će oni za naredne četiri godine raditi, kako će voditi ovo Vijeće. Mislim da bi bilo dobro da čujemo njihov kratki ekspoz. Ja vjerujem da oni imaju spremno. Dakle to.

Tako ne znam da li je bila praksa ranije i ako nije bila, dakle vjerovatno da smiju to raditi. Zamolio bi dakle, evo može prvo gospođa Nataša pa gospodin Aleksandar čisto da nam se obrate i da kažu zašto bi trebali baš njih da izaberemo. Jer biografija nije dovoljna. Dakle, bilo bi dobro da se čujemo. Ne ne ovo je moje samo, ja sam zamolio njih pa.

NATAŠA PERIĆ

Ovo mora da ide na glasanje a rekla sam vam. U stvari rekla sam vijećniku Rifatbegoviću. Ovo dosad nije bila praksa. Ovo je. Dakle, pročita se biografija iako nije obavezna. Čisto da se upozna. A što se tiče plana i programa predsjedavajući učestvuje zajedno sa predsjednicima klubova u izradi plana i programa Gradskog vijeća.

ADMIR ČAVALIĆ

Ne treba. Pazite niste me čuli dobro. (Čula sam vas.) Ja nisam pitao za plan i program. Nisam spomenuo. Nego ako možete par riječi onako čisto da kažete zašto vas da izaberemo. Ne mora plan i program. Razumijete.

NATAŠA PERIĆ

Alen Kapidžić.

ALEN KAPIDŽIĆ

Replika se odnosi na obadvije diskusije i kolege Čavalića i kolege Rifatbegovića. Znači ne možete tražiti od kandidata da oni izlažu šta će radit. Pazi. Ni-su oni tu da upravljaju. To smo maloprije dobili obrazloženje.

Na program rada Gradskog vijeća utičemo mi svi. Znači mi ćemo dogovarat šta će bit u programu rada sa terminima jasno definisanim u programu rada šta treba i kad treba da se radi. Hvala.

NATAŠA PERIĆ

Izvolite. Replika. Admir Čavalić.

ADMIR ČAVALIĆ

Uvaženom kolegi. Ja opet naglašavam. Ja nisam tražio program rada. Mislim da je ljudski ako se birate za bilo koju funkciju samo da nas pozdravite. Ovako da izađete i kažete ja sam taj i taj. Planiram tako i tako radit. Hvala.

NATAŠA PERIĆ

Kad se bude izabrao predsjedavajući onda će se obratit u kratkom ekspozeu. Zahvaljujem.

Da li se još neko javlja? Ne.

Zatvaram raspravu. Može Slađana Krajina samo.

SLAĐANA KRAJINA – sekretar Gradskog vijeća Tuzla

Pa ja ne želim da ostane ovako evo niste dostavili nam plan i program okej je. Mislim da to nije uredu. Znači ne može se na konstituirajućoj sjednici razmatrat plan i program rada. Ovo Vijeće će donijet svoj plan i program rada za svaku godinu. To je procedura propisana Poslovníkom. Nije predsjedavajući predlagáč. Nije Stručna služba. Nije sekretar.

A što se tiče programa. Evo iz prošlog saziva kada je predsjedavajuća, u prošlom sazivu bila predsjedavajuća Gradskog vijeća. Na web stranici Grada Tuzla imate sve programe rada koje je Gradsko vijeće usvojilo i informaciju o realizaciji tog programa rada.

Znači nije se radilo o tome okej je niste nešto dostavili, hajde nema veze, idemo dalje. Ne može se nacrt programa rada. Pa Vijeće nije ni konstituisano. Kolegij još nije konstituisan molim vas.

NATAŠA PERIĆ

Repliku ste imali pravo samo jednom po Poslovníku. Selma Čatibušić. Izvolite. Aha sad su klubovi vijećnika pardon. Hasib Hirkić? Izvolite.

Još uvijek traje rasprava klubova vijećnika. Pa vas sam Selma prozvala jer ste vi ispred Kluba. Ne ne rekla sam prvo vas pa izvolite.

SELMA ČATIBUŠIĆ – vijećnik Platforme za progres

Hvala poštovana predsjedavajuća. Da vas pozdravim sve. Još jednom i ja čestitam izabranim vijećnicima, Gradonačelniku. Ono što također želim jeste da čestitam pravoslavnu Novu godinu, da moram da iskažem jedno opšte nezadovoljstvo da Tuzla kao jedan multietnički grad zakazuje konstituirajuću sjednicu na današnji datum a da to nije urađeno naprimjer dan prije ili dan posle.

Što se tiče konkretne diskusije vezano za ovu temu slažem se sa gospodinom Čavalićem. I ja insistiram na tome ako mogu da nam se kandidati predstave, jer isto tako u tom slučaju da se to ne desi ne znam na osnovu čega bismo trebali glasati za jednog ili za drugog kandidata. Tako da je i Platforma za progres, odnosno Klub vijećnika Platforme za progres će po ovom pitanju danas također ostati suzdržan. Hvala.

NATAŠA PERIĆ

U redu. Zahvaljujem. Hasib? Da li se još neko javlja ispred klubova vijećnika? Ne. Zaključujem raspravu klubova vijećnika.

Otvaram raspravu vijećnika. Hasib Hirkić. Izvolite. Socijaldemokrat.

HASIB HIRKIĆ – vijećnik Socijaldemokrata BiH

Evo i ja ću sve da pozdravim i da se zahvalim evo što ste mi dali priliku da iznesem svoje mišljenje. Ovo što je gospodin Zijah iznjeo meni je stvarno zaparalo uši kad vi kažete praksa. Šta praksa?

Mi smo se ovdje sakupili da probamo nešto mijenjati a ne da držimo ono sve što ne valja u praksi. Ono sve što ste vi do sad radili u praksi ono će najvjerojatnije biti i u narednom periodu. Mi tako ne možemo.

To praksa nek ostane na nekoj drugoj strani, a mi smo ovdje se sakupili danas i ubuduće u ove četiri godine. Evo položiti ćemo zakletvu. I tu zakletvu treba da položimo i da radimo ono što ne valja. Ono što ne valja ono što je nečija praksa.

Izvinite. Mislim da Klub vijećnika neće raditi Socijaldemokrata ono što ne valja. I zakletvu ćemo danas položiti i radit ćemo samo ono što je ispravno za grad Tuzlu i za građane. Hvala.

NATAŠA PERIĆ

Položili ste već zakletvu. Zahvaljujem. Omer Berbić. Izvolite.

OMER BERBIĆ – vijećnik Naše stranke

Hvala. Poštovane kolege i kolegice želim prije svega da vam čestitam i ja na novoizabranom mandatu i želim da kažem da podržavam prijedlog gospodina Rifatbegovića i Čavalića da se ova rasprava usmjeri u onom u onom smjeru gdje bi ona trebala da ide.

U svakoj parlamentarnoj demokratiji prije izbora dva čovjeka mi moramo da znamo gdje će ovo Vijeće biti usmjereno. Mi ne govorimo o ekspozeu sad nekom od sat vremena, ali želimo da znamo način na koji ćemo da funkcionišemo.

Ukoliko će to biti matematičko vijeće šesnaest, sedamnaest ruku, osamnaest, onda nema uopšte potrebe da opozicija tu sjedi.

Želimo da znamo da će opozicija biti uvažena. Da će naše replike i inicijative biti uvažene i želimo da znamo zapravo gdje ova Tuzla treba da ode.

Samim tim, evo dva kandidata za predsjedavajućeg bi se trebali obratiti i nekako iznijeti svoje principe, smjerove i da nam kažu kako ćemo se mi ponašati u sljedeće četiri godine. To je minimum minimuma koje se mogu uraditi. Hvala.

NATAŠA PERIĆ

Zahvaljujem. Da li se još neko javlja za riječ ispred vijećnika? Ne javlja. U redu.

Zatvaram raspravu vijećnika i pristupamo izjašnjanju za navedene prijedloge.

Glasanje može biti javno ili tajno. Ovo Vijeće se uvijek javno izjašnjavalo o svim prijedlozima javno stoga predlažem zaključak da se o svim prijedlozima za izbor i imenovanja na današnjoj konstituirajućoj sjednici izjašnjavaju javnim glasanjem.

Sada stavljam na izjašnjanje prijedlog dakle da se o svim današnjim prijedlozima glasa javnim putem. Janjo molim vas.

Ko je za ovaj prijedlog, molim da digne ruku? (31) Ko je protiv? (Nema.) Ima li suzdržanih? (Nema.)

Konstatujem da je sa 31 glas za, nije bilo protiv i nije bilo suzdržanih usvojen prijedlog da se o svim prijedlozima za izbor i imenovanja na današnjoj konstituirajućoj sjednici vijećnici izjašnjavaju javnim glasanjem.

Pristupamo izjašnjanju.

Stavljam na izjašnjanje prijedlog Klubova vijećnika parlamentarne većine koju čine SDP - Socijaldemokratska partija BiH, Savez za bolju budućnost, Tuzlanska alternativa, Demokratska fronta i Nedžad Jusić, nezavisni vijećnik iz reda nacionalnih manjina da se za predsjedavajućeg Gradskog vijeća Tuzla izabere Nataša Perić.

Ko je za ovaj prijedlog, molim da digne ruku? (21) Ko je protiv? (Nema.) Ima li suzdržanih? (10)

Konstatujem da je sa 21 glas za, nije bilo protiv i 10 suzdržanih glasova Nataša Perić izabrana za predsjedavajućeg Gradskog vijeća Tuzla. (Aplauz.)

Izvoli Mirele.

MIREL MIŠKOVIĆ

Poštujući Poslovnik po članu 148. glasanje o prijedlogu za izbor, odnosno imenovanje vrši se za svakog kandidata posebno pa molim Vijeće da se izjasni i o mom prijedlogu kandidata za predsjedavajućeg Gradskog vijeća.

NATAŠA PERIĆ – predsjedavajući Gradskog vijeća Tuzla

Vidi Mirele. Nema problema. Ali ovo Vijeće je već izabralo predsjedavajućeg, ali nema problema. Staviti ćemo na izjašnjanje i vaš prijedlog da ne bi bilo. (MIREL MIŠKOVIĆ – Ne možemo izabrati dok ne vidimo.) Pa izabrano je nadpolovičnom većinom 21 glas. Mislim bezpredmetno je sad glasati za drugi prijedlog. Ali nema problema. Evo glasati ćemo. Zahvaljujem. (Možda moj sad prijedlog bude imo 25 glasova. Šta onda?) Super. Super. Hajde.

Evo stavljam na izjašnjanje prijedlog Kluba vijećnika Socijaldemokrata da se za predsjedavajućeg Gradskog vijeća izabere Aleksandar Vujadinović.

Ko je za ovaj prijedlog, molim da digne ruku? (3) Ko je protiv? (Nema.) Ima li suzdržanih? (28)

Konstatujem da prijedlog Socijaldemokrata Bosne i Hercegovine SD – BiH da se za predsjedavajućeg Gradskog vijeća Tuzla izabere Aleksandar Vujadinović nije dobio potrebnu većinu, 3 vijećnika je bilo za, nije bilo protiv i 28 suzdržanih.

Zahvaljujem.

Nastavljamo sjednicu Gradskog vijeća i prelazimo na treću tačku Dnevnog reda:

IZBOR ZAMJENIKA PREDSJEDAVALJUĆEG GRADSKOG VIJEĆA TUZLA

Klubovi vijećnika parlamentarne većine koju čine SDP - Socijaldemokratska partija BiH, Savez za bolju budućnost, Tuzlanska alternativa, Demokratska fronta i Nedžad Jusić, nezavisni vijećnik iz reda nacionalnih manjina, 12. 01. 2021. godine dostavili su prijedlog da se za zamjenika predsjedavajućeg Gradskog vijeća Tuzla izabere Ana Pejić. Jel treba da se obrazloži prijedlog? Nema potrebe.

Otvaram raspravu klubova vijećnika. Zijah Rifatbegović, SDA. Izvolite.

ZIJAH RIFATBEGOVIĆ

Dame i gospodo evo upravo smo izabrali predsjedavajućeg. Ja ne mogu da vjerujem da vi ne možete sjednicu da vodite po protokolu i gospođo kad dajete obrazloženja kako bi bilo navodno u praksi.

Ne može se sjednica voditi nema problema evo stavit ćemo mi to na glasanje. Pa nismo mi u kafiću. Ja ne mogu da vjerujem da smo izabrali upravo predsjedavajućeg o čemu sam ja i govorio.

Svačiji kvalitet, poštujući i vaš kvalitet treba objektivizirat, a ne vodit ćemo sjednicu nema problema. Nema problema. Ili evo stavit ćemo mi na glasanje to.

NATAŠA PERIĆ

Nemojte. Molim vas nemojte prvo galamit nema potrebe. Ja nisam rekla. (Uopšte ja na vas ne galamim. Ja na vas uopšte ne galamim.) Nisam rekla da galamite na mene ali nemojte povisivat.

ZIJAH RIFATBEGOVIĆ

Nisam ja ni u poziciji da ne galamim ja samo diskutujem da je ovo zaprepašćujuće da se na ovakav način predsjedavajući vodi sjednicu. Evo vi razmislite svi o tome. Svi razmislite o tome. Pa i većina nek razmisli o tome.

Što se tiče zamjenika prisustvujemo ponovo jednom te istom scenariju a to je: Da iz jedne političke partije dolazi i gradonačelnik i predsjedavajući i zamjenik predsjedavajućeg.

Ja mislim da je bilo dovoljno prostora među Gradskim vijećnicima da malo napravimo i razbijemo taj politički monopol. Pa mi smo se ovdje okupili da bi pravili suštinske promjene. I mi smo ovdje da pravimo suštinske promjene. Da damo priliku svim mladim i kreativnim kadrovima da pokažu svoju potencijal i svoj kapacitet. Ovo je šablon po kojem mi treba da usvajamo sve ubuduće što bude.

Evo razmislimo svi o tome. Neka i većina razmisli o tome. Mi smo ovdje da podržimo kvalitet. Da podržimo kapacitet. Da podržimo izbornu volju građana. Izborna volja građana nije na strani većine. Izborna volja građana je i na strani nas koji smo u opoziciji, ali to je demokratija i ja to poštujem.

Mi koji smo u opoziciji imamo približno 3000 više, 3000 više glasova nego oni koji su u većini, ali to je u demokratiji i to treba poštovati. Demokratsko pravo izbornog pobjednika je da pravi većinu i ja to poštujem. Ali molim vas poštujemo i druge političke subjekte. Nemojmo pristajati na jedan politički monopol.

NATAŠA PERIĆ

Zahvaljujem. Admir Čavalić. Izvolite.

ADMIR ČAVALIĆ

Evo opet ista stvar nisu se obratili prošli put kandidati a sad nemamo ni biografije dakle. Sad bi zamolio čisto evo kandidatkinju da izađe ovdje čisto minut, dva da nas pozdravi. Ko je. Šta je. Da se predstavi i da kaže zašto bi nas četvero evo (nerazgovjetno izgovorena riječ op.a.) glasalo za nju.

Druga stvar. Slažem se da ne trebamo pretvarati kafanu od ovog. Ovo je grad Tuzla, nije selo Tuzla. Znači moramo naučiti malo da drugačije komuniciramo. Hvala.

NATAŠA PERIĆ

Da li se još neko javlja za riječ? Replika. Alen Kapidžić.

ALEN KAPIDŽIĆ

Uvažavamo i mi vas doktore Rifatbegović ali nema potrebe da nam ovdje držite predavanja barem što se ove pozicije tiče ili zamjenika predsjedavajuće. Imali ste pravo da predložite i da nam svojim primjerom pokažete kako treba. Hvala.

NATAŠA PERIĆ

Zahvaljujem. Da li se još neko javlja ispred klub. Esana Kavazbašić Huskanović. Izvolite.

ESANA KAVAZBAŠIĆ HUSKANOVIĆ – vijećnik Platforme za progres

Dobar dan. Pozdravljam sve vijećnike. Čestitam na izboru. Ja sam prvi put u politici, prvi put sam u vijeću i zaista iznenađena sam nekim stvarima tu koje mi se trenutno ne sviđaju i slažem se sa gospodinom Rifatbegovićem i sa gospodinom Čavalićem.

Što se tiče dopredsjedavajućeg ja zaista ne poznajem Anu Pejić. Imali smo jako kratak period da. Imali smo jedan dan u stvari vremena kad smo dobili te odluke i ostalo, tako da nismo imali mogućnost da se upoznamo za koga ćemo glasati. Tako da zaista bi i ja voljela kao predstavnik Platforme za progres da nam se gospođa Ana Pejić bar koliko toliko predstavi. Eto toliko od mene.

NATAŠA PERIĆ

U redu. Zahvaljujem. Da li se još neko javlja ispred klubova vijećnika? Selma Čatibušić. Izvolite.

SLADANA KRAJINA – sekretar Gradskog vijeća Tuzla

Ja se izvinjavam samo malo. Već je ispred Kluba vijećnika govorila predsjednica pa samo malo sačekajte ako nije problem diskusiju tu.

NATAŠA PERIĆ

Da li se još neko javlja ispred klubova? Ne javlja.
Zaključujem raspravu klubova vijećnika.
Otvaram raspravu vijećnika. Selma Čatibušić. Izvolite.

SELMA ČATIBUŠIĆ

Ja bi stvarno bila zahvalna da nam se predstavlja, da se prestane zahvaljivat bilo ko, nego da nam se stvarno gospođa Ana obrati i da se ispoštuje znači makar i jedan zahtjev što je konkretno opozicija tražila.

Znači želimo da upoznamo Anu. Da kažemo ko je Ana, šta je Ana i zbog čega bi ona bila dopredsjedavajuća. Tako da molim vas da se uvaži ovo i da da poštujemo i opoziciju i većinu jer ovdje svi treba da budemo jel za naše građane i građanke ovog grada. Hvala.

NATAŠA PERIĆ

Hvala vama. Da li se još neko javlja ispred vijećnika? Izvolite. Hasib Hirkić.

HASIB HIRKIĆ

Kao i obično većina je napravila ono što je napravila. Opozicija nema prava ni-ka-kva. Samo me zanima ko ko je to uspio da nas postavi (nerazgovjetno izgovorena riječ op.a.) i da nas nazove opozicijom. Ali evo ja ću im reći sad odavdje da će ta opozicija naći put kako će rješavati probleme građana (Samo malo tiše molim vas.) Ja tako pričam a vama ako smeta vi malo smanjite.

SLADANA KRAJINA – sekretar Gradskog vijeća Tuzla

Ne smeta nego imamo problem zbog mikrofonije. Zbog stenograma. Molim vas. Ništa drugo.

HASIB HIRKIĆ

Naći ćemo put kako ćemo riješiti probleme građana. Nećemo sigurno biti ovdje oni ljudi koji samo slušaju i koji će s vremena na vrijeme izlaziti, jel nekad neće moći ni slušati ono što vi pričate, jel vidimo sad zašto je ono potegnuto praksa. Vi ćete praksu nastaviti i dalje.

Ali evo mi kažemo da mi ni-smo onaj saziv vijećnika koji je bio nekad i da će tu vašu praksu mirno gledati. Iznajući ćemo rješenja vjerujte. I neće biti onako kako ste vi to naumili vjerujte. Hvala.

NATAŠA PERIĆ

Da li se još neko javlja za riječ ispred vijećnika? Vi ste se već javili. Je li replika ili? Replika. Kome? Izvolite. Selma Ćatibušić.

SELMA ĆATIBUŠIĆ

Klub vijećnika Platforme za progres istina nije poslao svoj prijedlog za dopredsjedavajućeg jer smo vjerovali da, et možda ima neko ko bi mogao tu funkciju obavljati ali evo ovom prilikom.

Ja sam Selma Ćatibušić. Student sam Pravnog fakulteta Univerziteta u Tuzli. Deset godina sam u nevladinom sektoru. Više sam za zajednicu kroz nevladin sektor uradila nego što su neki kroz vladin sektor. Isto tako donijela sam u ovom gradu i novac i projekte pa ne znam da li ovim putem da se ja kandidujem sada za dopredsjedavajuću obzirom da još uvijek na naš zahtjev niko nije odgovorio. Još uvijek ne znam ko je Ana. Još uvijek ona neće da se predstavi. Ne znam zašto. Zbog čega je to toliki problem?

Pa evo ovim putem ne znam, da predložim sebe sad s ovog mjesta za dopredsjedavajuću. (Selma ja se izvinjavam vi ste tražili repliku.) Jeste pa evo repliciram. (Kome?) Svima. (Pa ne možete.) Gospodinu. (Izvinite. Zadnji se javio Hasib.)

(Aplauz.) Tako da zamolila bih stvarno. Samo bi zamolila poziciju da se da se malo uvaži opozicija i stvarno već jednom mislim ne tražimo nešto.

NATAŠA PERIĆ

Pa ne znam na osnovu čega zaključujete da se ne uvažava opozicija. Postoje procedure. Ne možete tako tražit repliku i onda sebe predložiti. To svakako ne možete sad na ovoj.

Vi ste imali dnevni red i glasali smo. Ja sam otvorila diskusiju o dnevnom redu i pitala sam ima li ispred klubova vijećnika ispred vijećnika. Da li ima za dnevni red je li tako neke primjedbe?

SELMA ĆATIBUŠIĆ

Izvinite. Koliko imam vremena da imam repliku?

NATAŠA PERIĆ

Samo malo. 5 minuta imate. Ali vi se ne držite replike o tome se radi.

SELMA ĆATIBUŠIĆ

Ne držim se replike. (Ne.) Nemojte me molim vas prekidati u ovih 5 minuta dok izlažem, pa onda vi nastavite.

NATAŠA PERIĆ

Vi ste već izložili. Ali ja kažem da se vaša replika ne odnosi na ovo.

SELMA ĆATIBUŠIĆ

Samo eto još uvijek tražimo zahtjev samo da nam se obrati gospođa Ana, da se predstavi ili da možda da da svi kažemo svoje biografije jer niko ovdje očigledno neće. Hvala.

NATAŠA PERIĆ

Ana? Ana Pejić molim vas izađite i recite samo ukratko svoju biografiju.

ANA PEJIĆ – vijećnik Socijaldemokratske partije

Evo ja vas sve srdačno pozdravljam i svima vam čestitam od srca na osvojenom mandatu i nadam se da ćemo u ovom mandatu 2020. - 2024. uspješno sarađivati.

Ja se zovem Ana Pejić. Rođena sam 1991. godine u Tuzli. Nakon završene Katoličke gimnazije upisala sam pravni fakultet na kojem sam diplomirala 2016. godine. Trenutno sam uposlenik Gradske organizacije SDP-a u Tuzli i mislim da je to evo ukratko o meni, a za sve neke više informacije ćemo naravno imati evo vremena da upoznamo se i malo bolje.

NATAŠA PERIĆ

U redu. Zahvaljujem. Admir Čavalić. Izvolite.

ADMIR ČAVALIĆ

Samo da se zahvalim uvaženoj vijećnici Ani, vidite, nije ništa teško bilo, znači ovo je dobro, poslušala je i pozicija opoziciju. Svaka čast ovako treba da djelujemo transparentno, izaći obrati se i to je to. Čestitam na tome.

NATAŠA PERIĆ

U redu. Da li se još neko javlja ispred vijećnika? Zaključujem raspravu vijećnika i pristupamo izjašnjavanju. Stavljam na izjašnjavanje prijedlog klubova vijećnika parlamentarne većine koju čine SDP Socijaldemokratska partija Bosne i Hercegovine, Savez za bolju budućnost, Tuzlanska alternativa, Demokratska fronta i Nedžad Jusić, nezavisni vijećnik iz reda nacionalnih manjina da se za zamjenika predsjedavajućeg Gradskog vijeća izabere Ana Pejić.

Ko je za ovaj prijedlog, molim da digne ruku? (20) Ko je protiv? (Nema.) Ima li suzdržanih? (11)

Konstatujem da je sa 20 glasova za, nije bilo protiv i 11 suzdržanih, Ana Pejić izabrana za zamjenika predsjedavajućeg Gradskog vijeća Tuzla. (Aplauz.)

Poslovnička Omer Berbić. Izvolite. A Anu pozivam da mi se pridruži za sto.

OMER BERBIĆ

Prema Poslovniku mi imamo pravo na pojedinačno izjašnjavanje. Tako da bi ja sada molio zahtijevam pojedinačno izjašnjavanje po ovoj tački. (Zašto?) Zato što sumnjam u rezultate glasanja.

NATAŠA PERIĆ

Može. Pristupamo pojedinačnom izjašnjenju za prijedlog Ane Pejić za zamjenika predsjedavajućeg Gradskog vijeća Tuzla.

SLADANA KRAJINA – sekretar Gradskog vijeća Tuzla

Molim vijećnike da se pojedinačno izjasne.

NATAŠA PERIĆ?	ZA.	NATAŠA PERIĆ, za.
ALEN KAPIDŽIĆ?	ZA.	ALEN KAPIDŽIĆ, za.
ELVIR BIJEDIĆ?	ZA.	ELVIR BIJEDIĆ, za.
ALEN OVČINA?	ZA.	ALEN OVČINA, za.
ANA PEJIĆ?	ZA.	ANA PEJIĆ, za.
MERIMA SOFTIĆ SPREČIĆ?	ZA.	MERIMA SOFTIĆ SPREČIĆ za.
ANEL IBELJIĆ?	ZA.	ANEL IBELJIĆ, za.
MIODRAG TANASILOVIĆ?	ZA.	MIODRAG TANASILOVIĆ, za.
ZIJAH RIFATBEGOVIĆ?	SUZDRŽAN.	ZIJAH RIFATBEGOVIĆ, suzdržan.
ŠEFIK HUSIĆ?	SUZDRŽAN.	ŠEFIK HUSIĆ, suzdržan.
MEDINA LOLIĆ?	ZA.	MEDINA LOLIĆ, za.
NUSRET MUMINOVIĆ?	ZA.	NUSRET MUMINOVIĆ, za.
ĆERIM RASTODER?	ZA.	ĆERIM RASTODER, za.
ALEKSANDAR VUJADINOVIĆ?	SUZDRŽAN.	ALEKSANDAR VUJADINOVIĆ, suzdržan.
MIREL MIŠKOVIĆ?	SUZDRŽAN.	MIREL MIŠKOVIĆ, suzdržan.
DAMIR MURATOVIĆ?	SUZDRŽAN.	DAMIR MURATOVIĆ, suzdržan.
HASIB HIRKIĆ?	SUZDRŽAN.	HASIB HIRKIĆ, suzdržan.
SABIHA MUJKANOVIĆ MUJAČIĆ?	ZA	SABIHA MUJKANOVIĆ MUJAČIĆ, za.
LEJLA OSMANČEVIĆ?	ZA.	LEJLA OSMANČEVIĆ, za.
OMER DELALIĆ?	ZA.	OMER DELALIĆ, za.
MENSUR ALIĆ?	ZA.	MENSUR ALIĆ, za.
NEDŽAD MALIKIĆ?	ZA.	NEDŽAD MALIKIĆ, za.
SELMA ČATIBUŠIĆ	SUZDRŽANA.	SELMA ČATIBUŠIĆ, suzdržana.
ESANA KAVAZBAŠIĆ HUSKANOVIĆ?	SUZDRŽANA.	ESANA KAVAZBAŠIĆ HUSKANOVIĆ, suzdržana.
EMIR ČEHAJIĆ?	ZA.	EMIR ČEHAJIĆ, za.
ZLATAN FATUŠIĆ?	ZA.	ZLATAN FATUŠIĆ, za.
OMER BERBIĆ?	SUZDRŽAN.	OMER BERBIĆ, suzdržan.
NIKICA VIDOVIĆ?	SUZDRŽAN.	NIKICA VIDOVIĆ, suzdržan.
ADMIR ČAVALIĆ?	SUZDRŽAN.	ADMIR ČAVALIĆ, suzdržan.
SENAD MEHMEDINOVIĆ?	ZA.	SENAD MEHMEDINOVIĆ, za.
NEDŽAD JUSIĆ?	ZA.	NEDŽAD JUSIĆ, za.

Konstatujem da je za prijedlog klubova vijećnika parlamentarne većine koju čine SDP Socijaldemokratska partija Bosne i Hercegovine, Savez za bolju budućnost, Tuzlanska alternativa, Demokratska fronta i Nedžad Jusić, nezavisni vijećnik iz reda nacionalnih manjina da se za zamjenika predsjedavajućeg Gradskog vijeća izabere Ana Pejić, glasalo 20 vijećnika, niko nije bio protiv, 11 je bilo suzdržanih, tako da je ovaj prijedlog dobio potrebnu

večinu te je Ana Pejić izabrana za zamjenika predsjedavajućeg Gradskog vijeća Tuzla. (Aplauz.)

NATAŠA PERIĆ

Prelazimo na četvrtu tačku Dnevnog reda:

IZBOR PREDsjedNIKA I ČLANOVA KOMISIJA GRADSKOG VIJEĆA TUZLA

Klubovi vijećnika su dostavili svoje prijedloge koje ste dobili u materijalu za današnju konstituirajuću sjednicu Gradskog vijeća.

Neposredno pred početak sjednice dobili ste i korigovani konačni prijedlog Platforma za progres kao i tabelarni pregled prijedloga kandidata za predsjednike i članove Komisije za statutarna pitanja i propise, Komisije za izbor i imenovanja, Mandatno-imunitetske komisije o Komisije za ekonomske odnose.

Otvaram raspravu klubova vijećnika. Niko se ne javlja za riječ. Zatvaram. Admir Čavalić. izvolite.

ADMIR ČAVALIĆ

Hvala predsjedavajuća. I čestitam. Samo bi zamolio predlagачe evo uključujući i nas za ove prijedlog eovih komisija da nam dadnu, ne moraju biografije, nego čisto ovako zanimanja Komisije za ekonomske odnose i to ko su ti ljudi dakle koji su struka i slično, kao što znamo da smo u ovoj prvoj komisiji ovdje pravnici izuzetno, zanima me u ovoj Komisiji za ekonomske odnose jesu li to ekonomisti. Hvala.

NATAŠA PERIĆ

Zahvaljujem. Da li se još neko javlja za riječ? Selma Čatibušić. Izvolite.

SELMA ČATIBUŠIĆ

Mene zanima samo pojašnjenje na osnovu čega je to raspoređene komisije konkretno, na osnovu čega je vladajuća većina uglavnom rasporedila komisije. Evo konkretno progresivni blok koji je u svom programu nagovještavao koliko je Statut Grada Tuzle bitan da se usvoji, niti jedna ova fronta nije dobila mogućnost da bude dio Statutarne komisije i isto tako da li se trebala neka diskusija među strankama voditi o tome kako rasporediti ove komisije? Hvala.

NATAŠA PERIĆ

U redu. Zahvaljujem. Replika Alen Kapidžić.

ALEN KAPIDŽIĆ

Dobili ste kada smo imali sastanak čini mi se prije dva dana gdje su bili prisutni svi predstavnici klubova svih stranaka, znači dobili ste na osnovu čega se raspoređuje i koliki je broj članova u komisijama.

To je na osnovu izbornog rezultata. Ne morate dobiti svaku komisiju, vi ćete dobiti ono što vam pripada.

Druga stvar, ne moramo kolega Čavaliću mi dostavljati biografije, jer su ovo unutar stranačka pitanja koga ćemo staviti za kandidata ili člana komisije.

NATAŠA PERIĆ

Replika Admir Čavalić.

ADMIR ČAVALIĆ

Opet uvaženi kolega niste slušali, dakle nisam rekao biografije mislio sam samo zvanje, stručna zvanja, šta su po struci, dakle, ne biografiju to sam naveo u prvom izlaganju. Ne biografije, glupost je da izlažemo biografije. Hvala.

NATAŠA PERIĆ

Replika Selma Čatibušić.

SELMA ČATIBUŠIĆ

Na Kolegiju je rečeno da je to što je dobijeno među strankama, stranka koja je osvojila 8% od ukupnog broja glasova je dala taj prijedlog, pa zanima me zašto prije nije bilo međustranački konsultacija kome treba pripasti koja komisija. Hvala.

NATAŠA PERIĆ

Zahvaljujem. Damir Muratović. Izvolite.

DAMIR MURATOVIĆ – vijećnik Socijaldemokrata BiH

Pozdrav i poštovanje svima. Pošto se prvi put obraćam, čestitam predsjedavajem i dopredsjedavajućem na izboru i čestitam svim vijećnicima na izboru i želim nam uspješan rad u naredne četiri godine.

Replika se odnosi na predsjedavajućeg Kluba SDP gospodina Kapidžića kad kaže ne morate dobiti. Ne radi se o tome da li mi moramo ili ne moramo dobiti, znači vezano za to tražimo samo da znamo, sticajem okolnosti neke ljude poznajemo, neke ljude ne poznajemo. Ne traže se biografije. I druga stvar, kao treći politički subjekt u Gradu Tuzla, znači prilikom raspodjele komisija poštujemo demokratiju, poštujemo većinu, ali sasvim je jasno da mi u toj vašoj raspodjeli prvoj nismo dobili niti jednu, niti jednu poziciju u četiri kako vi to nazivate najjače komisije.

Na naše ponovno insistiranje, da, da, da, ne, ne, mi smo na naše insistiranje kasnije dobili smo Nedima Bijedića.

Tako da uvažavate, pardon, malo sam bolestan, da uvažavate treći politički subjekt, vezano prilikom izbora komisija jer naravno da mi očekujemo da ćemo recimo u Komisiji za prostorno dobiti dva mjesta tako da, mislite, da znate o čemu govorim. Hvala.

NATAŠA PERIĆ

Zahvaljujem. Da li se još neko javlja za riječ ispred klubova vijećnika? Zijah Rifatbegović, Stranka demokratske akcije. Izvolite.

ZIJAH RIFATBEGOVIĆ

Ja ću samo kratko referirati na gospodina Elvira. Vi ste ovo nama pročitali i tražili od nas to da vam dostavimo do 12 sati, kada smo bili na Kolegiju. Izvinjavam se ako sam pogriješio, Alene. Nije bilo namjerno.

I nije bilo dovoljno, ja sam i tada na Kolegiju rekao, nije bilo dovoljno vremena da se izanaliziraju najkvalitetnija rješenja.

Ponovo se vraćamo na isto. Mi ovdje u Grdskom vijeću treba da podržimo kvalitet i kopetentnost. Ja vas lijepo m olim da ubuduće kod formiranja ovih komisija prvi izbor za sve nas koji sjedimo ovdje bude kvalitet, sposobnost i kopetentnost.

Ovo su ozbiljne komisije, od ovih komisija i rada ovih komisija ovise mnogi građani. Prema tome, ja očekujem da ćemo ubuduće, sve ovo što su kolege rekly prije mene blagovremeno imati prilike da analiziramo svakog kandidata i da se odredimo, ne prema stranačkom opredjeljenju, naravno i to treba uvažiti, ali prvenstveno da nam bude opredjeljenje njegov kvalitet, stručnost i dokazana struka u praksi. H vala.

NATAŠA PERIĆ

U redu. Zahvaljujem. Samo sve stranke su dostavljale svoje prijedloge onako po kvalitetu kako smatraju da su njihovi kandidati.

ALEN KAPIDŽIĆ

Upravo hoću da kažem. Ove komisije su funkcionisale i prije. Šta mislite da je sad nešto drukčije, je li. Funkcionisale su i prije. Šta to prije nije funkcionisalo? Ne možete tražiti od nas da vi određujete od onog procenta koji je pripao SDP-u ili bilo kojoj političkoj partiji da vi analizirate kandidate. Nemate na to pravo. Barem što se tiče komisija.

NATAŠA PERIĆ

Da li se još neko javlja ispred klubova vijećnika? Esana Kavazbašić Huskanović. Izvolite.

ESANA KAVAZBAŠIĆ HUSKANOVIĆ

Čestitam predsjedavajućoj i dopredsjedavajućoj. Ja bi samo željela znati na osnovu čega su podijeljene, kako je koja stranka birana za koju će komisiju?

Ja sam primjetila u Statutarnoj da su odprilike sve koalicija vlasti i zar nije to trebalo malo izmiksati, malo drugačije preraspodijeliti, pa eto čisto me interesuje na osnovu čega ste vi izvršili preraspodjelu? Na osnovu čega smo mi dobili zadnje dvije ili način na koji je to rađeno.

Jer nisam upućena u proceduru pa eto čisto me interesuje ako možete. Najljepše hvala.

NATAŠA PERIĆ

Zahvaljujem. Da li se još neko javlja ispred klubova vijećnika? (Ne javlja.)
Zaključujem raspravu klubova vijećnika. Otvaram raspravu vijećnika. Hasib Hirkić.

HASIB HIRKIĆ

Samo da pitam poslije onoga praksa još jedan termin nemate pravo. Šta to Znači?
Možda nekad nećemo imati pravo prisustvovati sjednicama ako to vama bude odgovaralo.

Nemate se potrebe ljutiti. Ja vama nisam dobacivao s mjesta. Zašto nema pravo? Ima pravo da pita.

Vaše je da date odgovor i šta. (NATAŠA PERIĆ – Nemojte s mjesta. Ne dopuštam vidite da upozoravam, nemojte tako molim vas. Kojoj intervenciji Selma Čatibušić?)

SELMA ČATIBUŠIĆ

Evo konkretno Statutarna pošta je meni posebno bitna ta Komisija jer smo mi jedna od rijetkih političkih stranaka tj. evo konkretno i progresivni blok koji je toliko, tokom cijele predizborne kampanje pričao o važnosti Statuta i usvajanju statuta, pa me interesuje stranke koje su dobile tu Komisiju, pošto mi nismo imali ni priliku da diskutujemo da li možda želimo to iako smo evo za razliku od, konkretno jedne političke stranke, koja je dobila tu Komisiju imali čak i više glasova, ali nismo jel dio vladajuće većine pa me interesuje da li će se ove stranke koje su tako dobile tu Komisiju da li će se zalagati za usajanje statuta?

I još jedno pitanje nevezano za ovo jeste dobili smo informaciju da mediji nisu imali priliku da uđu, pa me interesuje i ta. (NATAŠA PERIĆ – Držite se tačke Dnevnog reda, molim vas.) Dobro, može pod tačkom razno.

(NATAŠA PERIĆ – Nema tačke razno, Dnevni red je usvojen.)

Ali može li onako pitanje. (NATAŠA PERIĆ – Ne može. Molim vas držite se tačke Dnevnog reda. Meidjima je objašnjeno.)

Objašnjeno. A može li se vijećnicima objasniti zbog čega mediji nisu mogli prisustvovati? (NATAŠA PERIĆ – Gospođo, gospođice držite se tačke Dnevnog reda. Znači, pričamo o komisijama.)

Naravno.

NATAŠA PERIĆ

Zahvaljujem. Replika Nedžade jel, diskusija. Poslovnička intervencija Admin Čavalić.

ADMIR ČAVALIĆ

Dakle, rad Gradskog vijeća je javan tako da gospođo, uvažena vijećnice Selma Čatibušić ne može biti, medijima ne smije biti zabranjeno dakle prisustvo.

NATAŠA PERIĆ

Medijima nije zabranjeno. S obzirom zbog epidemiološke situacije ograničeni smo kapacitetom u Pozorištu i ne možemo i medije, a medijima smo objasnili da će dobiti izjave nakon završetka sjednice znači čekaju nas novinari u holu i prihvatili su to.

Samo malo. Replika. Ko se javioza repliku? Replika Mensur Alić. Izvolite.

MENSUR ALIĆ – vijećnik Tuzlanske alternative

Dozbolite mi da vas sve pozdravim i da čestitam svim izabranim kandidatima za Gradsko vijeće Tuzla u naredne četiri godine i naravno čestitam izabranoj predsjedavajućoj i zamjeniku predsjedavajuće.

Ja bi danas imao najmanje 20 replika, ali sam smatrao da je ovo danas svečana sjednica koju treba obaviti u jednom kratkom periodu i dozvoliti naravno svakom da iznese svoj stav, ali bit će vremena za ovo danas što ste iznosili. Sve na vijećima možemo rješavati.

Mislim da je ovo danas svečana sjednica koju treba završiti na najbolji način a ne otezati zbog toga, samo zbog nećijih jirova zato što nema većine ili ima većinu.

Mi smo svi zajedno 31 vijećnik koji trebamo da radimo u interesu grada Tuzle bez obzira kojoj političkoj opciji pripadali.

Naš grad je Tuzla i trebamo da radimo zajedno svi u interesu građana Tuzle. Hvala lijepo.

NATAŠA PERIĆ

Zahvaljujem. Omer Berbić. Izvolite.

OMER BERBIĆ – vijećnik Naše stranke

Hvala. Čika Mensure, ja vam mogu reći čika Mensure vi ste stariji. Ja se slažem sa vama da mi apsolutno da nas 31 treba da radimo u skladu sa principima, ali evo dosadašnji principi se očigledno nisu pokazali da su nešto aman zaman.

Zašto ja ovo govorim? Zato što evo mi sad gledamo na fejbuku i meni tamo jedan momak napiše može li meni jedna komisija.

Koliko ja vidim ovde se sve radi ali se ove komisije dijele politički umjesto prema stručnosti i kompetentnosti, prema matematičkoj koaliciji koja se nije vidjela od kad su svi ovdje, mislim hajde od nas 31 jedno 20 je bilo u SDP-u.

Znači ovo je koalicija od SDP-a do SDA. Svi su tu. I ove koalicije su očigledno, ne ove komisije su očigledno postale politički plijen i to je ono što će ovaj grad dovesti u još veću rupu nego što je ona sada.

Ovo su četiri najbitnije komisije. Mi nemamo Statut Grada. Ovdje se napravila većina da ne dobijemo statut Grada.

Komisija za ekonomske odnose. Ja ne razumijem po čemu su ljudi birani u Komisiju za ekonomske odnose, a nije recimo gospodin Čavalić koji je dokazani ekonomista koji zna čak napisati recimo i budžet države, a da ne govorim o gradskom budžetu.

Znači ovdje se izbjegla i stručnost i kompetentnost, nego komisije su postale matematički plijen da se uhljebe oni koji na izborima nisu mogli proći ili oni koji su na izborima bili blizu nisu prošli stranački vojnici itd.

I evo apelujem na vas da evo kada bude slijedeći izbor slijedeći komisija da da uzmemo kao princip stručnost i kompetentnost pa ne moraju tu biti stranački ljudi. Neka tu budu nestranački ljudi, ali neka znaju raditi svoj posao. Nemojte da komisije budu ono hajde mi imamo većinu izglasamo i hajmo čao kući.

Ja mislim da Vijeće Grada za to ne služi, a nas 31 smatram da bi svako podržao ukoliko je to zdravo razumski prijedlog i ne vidim šta je sporno da se i nama i medijima daju biografije ljudi koji sjede u komisijama.

Mislim da je to stvar nekog principa izato će se i ja i progresivni blok ćemo zalagati za takav jedan, za takav jedan nastup. Tako da eto toliko od mene.

NATAŠA PERIĆ

U redu. Da li se još neko javlja za riječ? Selma Čatibušić.

SELMA ČATIBUŠIĆ

Ja bi se zahvalila gospodinu Mensuru Aliću zbog toga što je on rekao, dokle god me narod jel izabrao imam legitimitet, pitat ću ono što mi nije jasno i ono za što želim da čujem odgovor taman da je eto to jedna svečana sjednica.

Isto tako znači pitanja koja opozicija postavlja sasvim legitimna pitanja na koja samo želim odgovor. Mediji imaju pravo, mogli su gore na balkonu nema nikog bukvalno dva čovjeka sjede da razgovaramo upravo o tim stvarima da prate jel sjednice tako da ne vidim šta je tu konkretno sporno i samo da kažem da se slažem sa gospodinom Omerom Berbićem što se tiče ti komisija. Tako da molim vas dajemo odgovore brze, da budemo efikasni jer odgovori nisu, pitanja nisu uopšte teška. Hvala.

NATAŠA PERIĆ

Zahvaljujem. Replika Mensur Alić.

MENSUR ALIĆ

Evo počeli su sa izazivanjem. Ja vas u naredne četiri godine čekam. Ono što ste vi obećali građanima ja ne mogu da budžet napravim koliki treba da bi to ostvarili, treba 300.000.000 i sad pokušavate ovdje držati nam predavanje.

Nema ovde niko ne zabranjuje nikome da postavlja pitanje. Ali pitanja imat ćemo četiri godine gdje ćete moći postavljati svi, ja i ostali svi. I nije nikome zabranjeno da ovdje postavlja pitanje.

Ali zbog efikasnosti ovog Vijeća, svečanosti, Svečana sjednica. O tome sam govorio, a nikome ne želim, bože sačuvaj da kažem da ne izađe za govornicu da iznese svoj stav. To je normalno i ne može meni ovdje niko držati predavanje o ekonomiji o nečemu. Ja sam čovjek koji je stvorio sa nule najjaču firmu od 100 firmi u Bosni i Hercegovini i pričati meni neke priče. Ma dajte molim vas.

Lako je biti na budžetu države. Izvolite gospodo zasučite rukave. Idite privatno pa vidite kako je zaraditi novac. I nemojte mi ovdje držati lekciju, molim vas.

Nikoga nisam izazvao da me prozivate ovdje. Nikog niti ću kad izazvati. Ako ako me izazovete onda znam odgovoriti itekako. A bit će odgovora jaki. Vjerujte mi.

Od podnošenja zakona o ispitivanju imovine i ostalog svega, o tome ćemo pričati posebno. Nije ovo vrijeme. Ovo Vijeće je, rekao sam, svečano. Ali vidjet ćemo se.

Vidjet ćemo. Svako Vijeće ću tražiti ispitivanje porijekla imovine, a prvi ja, prvo mene pa onda ostale, pa ćemo vidjeti gdje je ko. Vidjet ćemo gdje je ko naslago para i kako je naslago. O tome ćemo posebno govoriti. Nemojte se doktore smijati, ja se vama nisam smijao.

Mojih pet minuta je prošlo. Završavam. Nisu ovo prijetnje. Nemojte dobacivati, molim vas. (NATAŠA PERIĆ – Nisu ovo prijetnje. Nemojte dobacivati s mjesta molim vas.)

Ja vas nisam prozvaao pojedinačno nikog. (NATAŠA PERIĆ – Nisam. Ja sam njega upozorila. Ima stenogram. Ja sam njega upozorila. Nemojte dobacivati, molim vas, javite se za riječ pa recite.)

Ja iskorištavam svojih pet minuta. (Deset.) Prema tome, nisam nikom s mjesta. (NATAŠA PERIĆ – Nisu ovo prijetnje.) Nisu ovo prijetnje. Bože sačuvaj. Snimit ćemo. Bit će stenogram pa ćemo vidjeti. (NATAŠA PERIĆ – Ima stenogram pa ćemo vidjeti.)

Jesu li ovo prijetnje ili nisu. (NATAŠA PERIĆ – Nemojte se molim vas s mjesta raspravljati.) Bože sačuvaj. Nemojte dobacivati s mjesta, ja vama nisam dobacivao. Niti ću vam bilo kad dobaciti. Nikad. Iz poštovanja prema vama.

A vi poštujujte moje godine. Vi samo poštujujte moje godine. Ja nikome nisam prijetio. (NATAŠA PERIĆ – Mensure.) Hvala lijepo.

NATAŠA PERIĆ

Zahvaljujem. Replika Damir Muratović je prije.

DAMIR MURATOVIĆ

Kratko replika, ja ću samo da prekinemo ovo. (NATAŠA PERIĆ – Pet minuta.)

Da prekinemo ovu sagu stvarno, znači imamo prijedlog za konkretno za ovaj izbor članova komisije. Ako nećete sad da usvojite, glasamo ili konkretno samo da prekinemo ovu sagu, znači da na slijedećoj sjednici Gradskog vijeća dostavite samo stručno zanimanje, stručnu spremu i zanimanje predloženih kandidata za komisije stvarno da bi prekinuli ovu raspravu. Hvala.

NATAŠA PERIĆ

Hvala. Zijah Rifatbegović. Izvolite.

ZIJAH RIFATBEGOVIĆ

Ja ne mogu da vjerujem da gospodin Mensur, koga privatno izuzetno poštujem i cijenim upućuje s govornice ovakve prijeteeće poruke.

Kome vi prijetite porijeklom imovine? Recite ime i prezime. Pa ko se to nagemo para? Recite ime i prezime.

Vi ste stvorili firmu, ja vam na tome čestitam. Ali i mi smo se realizirali. Ja lično ću vam sad odgovoriti da ja kao pojedinac imam više glasova nego čitav vaš politički projekat.

Nemojte molim vas to potezati. Pa nismo ovdje da prijetimo jedni drugima. Vi ste izašli za govornicu i prijetite, preslušajte taj stenogram, i to da ćete vi nekome ispitivati porijeklo imovine. Pa odakle vama pravo za to? Je li zato što ste većina? Molim vas, ne krivog navoda nego ono što ste vi rekli.

Ja vas lijepo molim, predsjedavajući. Ova govornica služi za demokratski govor. Ovdje se s ove govornice ne može prijetiti. (NATAŠA PERIĆ –Nije se prijetilo. Neka odluč organski da li se liječilo, prijetilo.)

Molim vas, govoriti da ćemo vidjeti ko je kako pare nagemo. Šta je to? Kakva je to retorika? Da će se ovdje nekome prijetiti ispitivanje porijekla imovine. Pa šta je to? Molim vas vodite o tome računa kad se govori za ovom govornicom. Što se tiče lične afirmacije svih nas ovdje koji sjedimo, ovo što ja govorim nije ništa lično. Ja sve uvažavam, poštujem, cijenim. Samo ja dolazim iz takvog političkog subjekta i sistema obrazovanja gdje vi morate

svoj kvalitet objektivizirati. Imali smo izbore. Izbori su pokazali koliko koji politički projekat vrijedi. Koliko mi, kao gradski vijećnici, imamo u narodu izbornu volju i izbornu težinu.

Prema tome, neko čiji projekat nije osvojio ni blizu kao što su osvojili vijećnici Stranke demokratske akcije ne može s ove govornice prijetiti porijeklom imovine.

NATAŠA PERIĆ

Ispravka krivog navoda.

MENSUR ALIĆ

Ispravka krivog navoda odnosi se na tome da sam ja rekao da ću se zalagati da se donese zakon o ispitivanju porijekla imovine. To je, o tome sam ja govorio.

I to je moja inicijativa će biti na svako Vijeće prema većim institucijama na to sam mislio i o tome sam govorio. opšte nisam prijetio nekom. Da ja ispitujem. Odkud meni pravo?

Na osnovu čega? Po kom zakonu? Ne može to Vijeće raditi. Niti to može raditi Mensur. Znači institucije to rade, treba donijeti samo zakon. A ja ću se zalagati za taj zakon i tražiti inicijativu podnositi svako Vijeće. Evo to ako vam nije to dovoljno, ja ne znam šta. Hvala lijepo

NATAŠA PERIĆ

Zahvaljujem. Admir Čavalić. Izvolite.

ADMIR ČAVALIĆ

Samo nekoliko stvari, ovo je diskusija, replika i ispravka krivog navoda. Dakle, prvo, nemojte adhom dakle da idemo. Nije to primjereno za Gradsko vijeće dakle mi raspravljamo, imamo neke argumente, neko će izaći nešto reći, vi možete izaći i reći ne slažem se s tim itd. nema smisla da ulazimo u neku adhovinu raspravu, ja vas kao vijećnike sve poštujem, dakle ponaosob, izabrani ste voljom naroda i demokratski je da se ne slažemo. I ja mislim da je drago svima nama, gradonačelniku prije svega, predsjedavajućoj, nama kao vijećnicima da imamo 11 politički subjekata u Vijeću plus manjine. Dakle, prvi put zaista imamo pluralno Vijeće i misim da su svi navijali za to uključujući i poziciju i opoziciju.

E sad, slažem se sa gospodinom Alićem, ja ću prvi podržati taj zakon i to treba uraditi na državnom nivou dakle i znamo ko se protivi tome i kakve su opstrukcije i slično. Takođe pozivam gospodina Alića da podrži usvajanje statuta Grada Tuzla, vidjeli smo jutros scenu dakle, ponovo se moralo štampati svečane izjave, zato što nema statut, ima, neko je napisao slučajno da ima itd. Bilo bi dobro dakle da fokusiramo našu energiju evo sa ove prve sjednice, da već na narednoj počnemo tu priču jer prije četiri godine sam gledao 2016-te konstituirajuću i tad su rekli, kaže bit će statut. Prošlo četiri godine ništa se nije desilo.

Takođe, vezano samo sam htjeo replicirati rekli ste za medije da su oni saglasni s time, nisu, RTV Slon je napisao da je zabranjen ulaz medijima imate, možete pročitati, samo da završim, mogu li dobiti.

Dakle, da je zabranjen ulaz medijima Gradskom vijeću Grada Tuzla, mene je kao Tuzlaka je sramota da se tako piše, održano je širom Bosne i Hercegovine gradska vijeća, opštinska vijeća, Sapna, Banovići, Čelić, Srebrenik, Kakanj i nigdje dakle na medijima, nije takav izašao naslov da je zabranjeno.

Grad Tuzla je Grad Tuzla, napominjem, nije selo Tuzla. Mi moramo tako se ponašati kao građani, civilizirano i moramo dozvoliti dakle transparentnost rada Vijeća. Što znači mediji bi trebali gore da budu i uvijek dakle ja sam za medije i trebaju ljudi da nas prate.

To je gra, nismo ba mi ni opština ni selo, mi smo grad, moramo se tako ponašati i ne vidim zašto smetaju bilo kome mediji.

Takođe, ovo ste rekli liječiti je li to greška prepostavljam. Organi će ispitati ko će liječiti, ako je liječiti ono psihijatrijski (NATAŠA PERIĆ –Ne, ne. Prijetnje) dobro, dobro, izvinjavam se. Hvala puno.

NATAŠA PERIĆ

Zahvaljujem. Mensur Alić.

MENSUR ALIĆ

Uvažavajući kolegu Čavalića kao ekonomistu i ekonomskog analitičara, možda niste pratili rad Vijeća u prethodne četiri godine da sam ja pet puta podnosio inicijativu da sse donese izmjena Statuta Grada Tuzla.

Međutim, trebamo zajednički na tome raditi u ovim narednim godinama, ali trebamo naravno naći 21 vijećnik treba dvotrećinska većina da bi se Statut usvojio i ja sam taj jedini koji sam najviše radio na tome da se to završi, međutim, nismo uspjeli, nismo imali dovoljno ruku za to. Nadam se da ćemo imati u ovom Vijeću i da ćemo to uraditi. Hvala lijepo.

NATAŠA PERIĆ

U redu. Hvala. Nedžad Jusić, nezavisni vijećnik. Izvolite.

NEDŽAD JUSIĆ – nezavisni vijećnik iz reda nacionalnih manjina

Poštovana predsjedavajuća, zamjenice predsjedavajuće, sekretaru, kolege i kolegice vijećnici i drugi.

Prije svega želim da vas pozdravim i nadam se da ćemo naredne četiri godine, da ćemo zajednički sarađivati i raditi za dobrobit građana grada Tuzle koji su nam dali povjerenje ja bi iskoristio ovu priliku da se zahvalim svim građanima grada Tuzle koji su meni dali povjerenje i glasali za mene Jusić Nedžada na listi nacionalnih manjina jer su mogli samo za mene da glasaju, nisu mogli ni za jednog drugog vijećnika, jer ukoliko su glasali i za mene i za bilo kojeg drugog vijećnika taj je listić nevažeći, a unutar stranaka su mogli glasati za svih 35 i svi su dobili po jedan glas i to je možda jedna i prednost moja u odnosu možda na neke druge stvari jer su to isključivo moji glasovi. Onoliko koliko sam dobio, ali dovoljno da budem vijećnik u Gradskom vijeću Tuzla.

Možda bi ja danas, sada u stvari imam raspravljamo o tački izbor radni tijela pa se svega nečega dotaklo. Možda je to i dobro, hajde za prvu sjednicu, ali možda u nekom narednom periodu ukoliko imamo tačku dnevnog reda da se držimo tačke dnevnog reda.

Jer smo možda malo prednuli na prvoj sjednici malo široko, možda je i dobro. Ja sam vijećnik iz prošlog saziva Gradskog vijeća, pa ovako je možda i bilo na nekim sjednicama, ali dobro je što smo dobili i Poslovnik o radu Gradskog vijeća, pa malo da se podsjetimo na kraju krajeva kako bi to sve trebalo da sve funkcioniše i siguran sam u tome da će već naredna sjednica biti u skladu i sa Poslovnikom i sa svim drugim aktima koje smo zajedno usvojili.

Ja se možda u nekim stvarima možda i ne bi složio. Ovdje spominjem danas biramo četiri radna tijela i čuo samo od mnogo vijećnika to su najvažnija radna tijela.

Mi u Gradskom vijeću imamo 17 ako se ja ne varam radni tijela. Za mene su svih 17 važni. Svi 17 su važni i ja bi zamolio kolege vijećnike da tako i oni gledaju, da je svako radno tijelo važno u Gradskom vijeću Tuzla.

Jer to radno tijelo radi u skladu sa poslovnikom i za dobrobit građana grada Tuzle i zbog toga mislim da i ova možda suvišna diskusije je bilo tako kako je bilo, nego da krenemo na kraju krajeva ukoliko imamo nekih konkretnih prijedloga drugih za radna tijela ukoliko je došlo, nije ne znam sad, (NATAŠA PERIĆ – Nije.) na neki način ovo što imamo da pređemo na izbor radnih tijela i da nastavimo za dobrobit građana grada Tuzle.

Ako ćemo ovu govornicu koristiti isključivo zbog svoje nekakve promocije, hirova ili bilo čega drugog, mislim da nećemo baš doprinijeti dobrobiti građana grada Tuzle. Hvala.

NATAŠA PERIĆ

Hvala Nedžade. Da li se još neko javlja ispred vijećnika? Zaključujem raspravu vijećnika.

Podsjetit ću vijećnike da se po Poslovniku Gradskog vijeća Tuzla kod izbora članova radnih tijela Gradskog vijeća glasanje vrši za listu u cjelini, odnosno za komisiju u cjelini.

Zamolit ću sekretara da pročita prijedlog kandidata za predsjednike i članove Komisije za statutarna pitanja i propise sačinjenu u skladu sa prijedlozima klubova vijećnika politički stranaka koje participiraju u Gradskom vijeću.

SLAĐANA KRAJINA – sekretar Gradskog vijeća Tuzla

red.broj	Komisija za statutarna pitanja i propise	predsjednik/član	politički subjekt
1.	Elvir Mahmuzić	predsjednik	SDP
2.	Anel Ibeljić	član	SDP
3.	Lejla Kaplan	član	SDA
4.	Elvir Kasumović	član	SBB
5.	Biljana Lipovac	član	TA
6.	Emina Altumbabić	član	DF
7.	Jasminka Mijatović	član	HDZ

NATAŠA PERIĆ

U redu. Zahvaljujem. Stavljam na izjašnjavanje prijedlog kandidata za predsjednika i članove Komisije za statutarna pitanja i propise sačinjenu u skladu sa prijedlozima klubova vijećnika politički stranaka koje participiraju u Gradskom vijeću koji je pročitala sekretar Gradskog vijeća. Ko je za? (27) Ima li neko protiv? (Nema.) Suzdržanih? (4)

Konstatujem da je Gradsko vijeće Tuzla sa 27 glasova za, nije bilo protiv i četiri glasa suzdržana imenovalo Komisiju za statutarna pitanja i propise u slijedećem sastavu.

SLAĐANA KRAJINA

Znači.

Red.broj	Komisija za statutarna pitanja i propise	predsjednik/član	politički subjekt
1.	Elvir Mahmuzić	predsjednik	SDP
2.	Anel Ibeljić	član	SDP
3.	Lejla Kaplan	član	SDA
4.	Elvir Kasumović	član	SBB
5.	Biljana Lipovac	član	TA
6.	Emina Altumbabić	član	DF
7.	Jasminka Mijatović	član	HDZ

NATAŠA PERIĆ

Zamoliti će sekretara da pročita prijedlog kandidata za predsjednika i članove Komisije za izbor i imenovanja sačinjenu u skladu sa prijedlozima klubova vijećnika politički stranaka koje participiraju u Gradskom vijeću Tuzla.

SLAĐANA KRAJINA

Kada je u pitanju Komisija za izbor i imenovanja:

Red.broj	Komisija za izbor i imenovanja	predsjednik/član	politički subjekt
1.	Nataša Perić	predsjednik	SDP
2.	Mersa Turčinović	član	SDP
3.	Sabiha Mujkanović Mujačić	član	SBB
4.	Amra Đapo	član	DF
5.	Admir Hasanbašić	član	TA
6.	Edis Džambić	član	PDA
7.	Dražan Vilušić	član	HDZ

NATAŠA PERIĆ

Stavljam na izjašnjavanje prijedlog. Ko je za? (28) Ima li neko protiv? (1) Suzdržanih? (2)

Konstatujem da je Gradsko vijeće Tuzla sa 28 glasova za, jedan protiv i 2 glasa suzdržana imenovalo Komisiju za izbor i imenovanja u slijedećem sastavu.

SLADANA KRAJINA

Red.broj	Komisija za izbor i imenovanja	predsjednik/član	politički subjekt
1.	Nataša Perić	predsjednik	SDP
2.	Mersa Turčinović	član	SDP
3.	Sabiha Mujkanović Mujačić	član	SBB
4.	Amra Đapo	član	DF
5.	Admir Hasanbašić	član	TA
6.	Edis Džambić	član	PDA
7.	Dražan Vilušić	član	HDZ

NATAŠA PERIĆ

Stavljam na izjašnjavanje prijedlog kandidata za predsjednika i članove Mandatno-imunitetske komisije koji je sačinjen u skladu sa prijedlozima klubova vijećnika politički stranaka koje participiraju u Gradskom vijeću Tuzla. Slađo pročitaj prijedlog.

SLADANA KRAJINA

Red.broj	Mandatno-imunitetska komisija	predsjednik/član	politički subjekt
1.	Edin Dedić	predsjednik	SDA
2.	Seid Hasić	član	DF
3.	Nejra Orić	član	PzP
4.	Nedim Bijedić	član	SD
5.	Omer Berbić	član	NS
6.	Admir Čavalić	član	SbiH
7.	Omer Delalić	član	SBB

NATAŠA PERIĆ

U redu. Sada stavljam na izjašnjavanje prijedlog. Ko je za? (28) Ima li neko protiv? (Nema.) Suzdržan? (3)

Konstatujem da je Gradsko vijeće Tuzla sa 28 glasova za, nije bilo protiv i tri suzdržana glasa imenovalo Mandatno-imunitetsku komisiju u slijedećem sastavu. Slađo.

SLAĐANA KRAJINA

Red.broj	Mandatno-imunitetska komisija	predsjednik/član	politički subjekt
1.	Edin Dedić	predsjednik	SDA
2.	Seid Hasić	član	DF
3.	Nejra Orić	član	PzP
4.	Nedim Bijedić	član	SD
5.	Omer Berbić	član	NS
6.	Admir Čavalić	član	SbiH
7.	Omer Delalić	član	SBB

NATAŠA PERIĆ

U redu. Zamolit ću sekretara da pročita prijedlog za predsjednika i članove Komisije za ekonomske odnose koji je sačinjen u skladu sa prijedlozima klubova vijećnika politički stranaka koje participiraju u Gradskom vijeću Tuzla.

SLAĐANA KRAJINA

Red.broj	Komisija za ekonomske odnose	predsjednik/član	politički subjekt
1.	Lejla Osmančević	predsjednik	SBB
2.	Adis Kovčić	član	SDP
3.	Alija Šehović	član	DF
4.	Nedžad Malikić	član	TA
5.	Elvir Bijedić	član	SDP
6.	Sanela Jurišić	član	PDA
7.	Lela Kulović	član	PzP

NATAŠA PERIĆ

Stavljam na izjašnjavanje prijedlog kandidata za predsjednika i članove Komisije za ekonomske odnose sačinjen u skladu sa prijedlozima klubova vijećnika politički stranaka koje participiraju u Gradskom vijeću Tuzla.

Ko je za? (25) Ima li neko protiv? (3) Suzdržan? (4)

Konstatujem da je Gradsko vijeće Tuzla sa 25 glasova za, tri protiv i četiri suzdržana imenovalo Komisiju za ekonomske odnose u slijedećem sastavu.

SLAĐANA KRAJINA

Red.broj	Komisija za ekonomske odnose	predsjednik/član	politički subjekt
1.	Lejla Osmančević	predsjednik	SBB
2.	Adis Kovčić	član	SDP
3.	Alija Šehović	član	DF
4.	Nedžad Malikić	član	TA
5.	Elvir Bijedić	član	SDP
6.	Sanela Jurišić	član	PDA
7.	Lela Kulović	član	PzP

NATAŠA PERIĆ

U redu. Zahvaljujem. Iscrpili smo Dnevni red. Pozivam Gradonačelnika Tuzle da nam se obrati. Izvolite.

JASMIN IMAMOVIĆ – Gradonačelnik Grada Tuzle

Dame i gospodo vijećnici, čestitam vam na osvojenim mandatima, čestitam predsjedavajućoj i dopredsjedavajućoj Nataši Perić i Ani Pejić na izboru za predsjedavajuću i dopredsjedavajuću.

Po zakonu organi lokalne samouprave su Grdsko vijeće i Gradonačelnik. Čestitam vama koji ste dobili mandate, osvojili mandate u Gradskom vijeću na bazi volje građana.

Zahvaljujem građanima Tuzle što su mi dali povjerenje i što je 22 300 građana glasalo za mene.

Moj princip je sve ove godine ustavnost i zakonitost. Nadležnosti iz zakona znate gradonačelnika, a osnovni posao je da rukovodim radom službi za upravu, stručnim službama i upravnom organizacijom, imamo jednu upravnu organizaciju Zavod za urbanizam. Moja nadležnost je da imenujem saradnike, saradnici su imenovani na bazi mog uvjerenja koje je znalo biti ispravno, ali znalo je biti i pogrešno.

Da nema u gradu osobe koja ima veće znanje toj oblasti kojom će rukovoditi. Ja i sada vjerujem da o budžetu nema niko veće znanje od gospođe Suade Isaković. Nisam siguran da u urbanizmu je najbolja direktorica ili zamjenica direktorice, ali mislim da neko ko godinama

radi na tom poslu, ko je prošao niz edukacija, ko se dokazao u praksi. Većina rukovodilaca službi za upravu, kao i stručnih službi i urbanizma, nisu članovi niti jedne stranke. Oni moraju imati znanje, efikasnost i da se bave radom u državnoj službi. Da se ne stekne utisak politizacije. Tu nema politizacije, Postoje praktični problemi. Želim da znate da mi moramo negdje oko 15 000 predmeta da riješimo u toku godine.

Nemam ništa protiv toga da neko bude član bilo koje stranke, ali govorim da nam je administracija, administracija osnovno načelo ustavnost, zakonitost, osnovno načelo efikasnost.

Mnogo je poteškoća, najbolje pitaju se pravnici je li bolje imati dobre primjenjivače zakona ili dobre zakone? Pa savršeno je da imamo i dobre zakone i majstore primjene tih zakona. Ali da mi kao zemlja smo daleko od toga cilja. I često, često imamo zakone koji nas blokiraju ili imamo zakone, znate donesu Zakon recimo o stvarnim pravima i u tom zakonu vam piše kojih pet šest zakona s tim zakonom mora da se usklade, a onda nikada se ne usklade ti zakoni s ovim osnovnim i onda imate veliki problem u primjeni zakona.

Moj posao je da predlažem budžet, da predlažem akte koji se tiču upravljanja zemljištem. Moj životni poziv jeste imovinsko-pravni odnosi, moj osnovni zanat sa bezbroj riješenih predmeta na toj poziciji i sa tri knjige i 17 radova, a tiču se stvarnoga prava i upravnoga prava i onoga čime se bave službe kojima ja rukovodim.

Nastojat ću predlagati odluke koje će biti prihvatljive građanima i ako je moguće svim vijećnicima boriti se za koncenzus, za jednoglasnost. Mnogo je, u ranijem mandatu, odluka koje su donesene jednoglasno. Međutim, ako to nije moguće onda kao u svim demokratskim zemljama zakoni i drugi propisi donose potrebnom većinom, a to je iz razloga što vrijeme ne može stati, i što se neke odluke moraju donijeti.

Ali ću ulagati veliki trud da odluke budu donesene jednoglasno. Da prihvatimo što je moguće veći broj primjedaba sa kojima će se složiti svi.

Građanima Tuzle želim da zajedno savladamo i koronu i njene posljedice koje će biti teške u ovoj godini i težak će biti posao i ovoga Vijeća i gradskih službi. Velike socijalne i velike ekonomske posljedice.

Dakle, Vijeću i službama želim da uspješno vodimo grad i da uvijek imamo u vidu interes građana i ustavnost i zakonitost.

Želim vam sve najbolje.

NATAŠA PERIĆ

Zahvaljujem. Ovim zaključujemo sjednicu gradskog, konstituirajuću sjednicu Gradskog vijeća i vidimo se uskoro. Hvala vam.

(Predsjedavajući je zaključio prvu konstituirajuću sjednicu Gradskog vijeća Tuzla u 12 sati.)

STENOGRAM SAČINILI:

Jasminka Delalić

Senada Karabegović

P R E D S J E D A V A J U Ć I

Nataša Perić, prof. s.r.